



নটর ডেম কলেজ, ঢাকা

২০২১-২০২২ শিক্ষাবর্ষে একাদশ শ্রেণিতে ভর্তি বিজ্ঞপ্তি

গণপ্রজাতন্ত্রী বাংলাদেশ সরকারের শিক্ষা মন্ত্রণালয় নটর ডেম কলেজকে ২০২১-২০২২ শিক্ষাবর্ষে একাদশ শ্রেণিতে কলেজের নিজস্ব প্রক্রিয়ায় ভর্তি গ্রহণের জন্য অনুমতি প্রদান করেছে।

১। নটর ডেম কলেজ নিজস্ব অনলাইন-এ ভর্তির আবেদন গ্রহণ করবে।

২। **ভর্তির আবেদন ফরম পূরণ:** ভর্তি হতে আগ্রহী প্রার্থীদের ৭ জানুয়ারি রাত ১২টা হতে ১৩ জানুয়ারি রাত ১২টা পর্যন্ত সরাসরি ওয়েবসাইট <https://www.itbadmission.com/ndc> (এ লিংক-এ ৭ তারিখের পূর্বে কেউ প্রবেশের চেষ্টা করবে না।) অথবা নটর ডেম কলেজের নিজস্ব ওয়েবসাইট ndc.edu.bd থেকে অনলাইনে আবেদন করতে বলা হচ্ছে। ভর্তির আবেদন করার নিয়মাবলি কলেজের ওয়েবসাইটে দেয়া আছে। অনলাইনে আবেদন করার সময় ভর্তি পরীক্ষার খরচ বাবদ ৩০০/- (ভর্তির লিখিত ও মৌখিক পরীক্ষা, রকেট চার্জ, অনলাইন চার্জ ও SMS-চার্জ বাবদ) টাকা রকেট-এর (Rocket) মাধ্যমে দিতে হবে। পুনঃনিরীক্ষণের মাধ্যমে ফল পরিবর্তন হয়ে ভর্তির আবেদনের ন্যূনতম যোগ্যতা অর্জন করলেও নির্ধারিত তারিখের মধ্যে আবেদন করতে হবে। ভর্তির ক্ষেত্রে ক্ষুদ্র নৃগোষ্ঠী, সংখ্যালঘু, প্রতিবন্ধী, মিশনারি কর্তৃক পরিচালিত প্রত্যন্ত এলাকার স্কুল বিবেচনায় আনা হবে। ভর্তির আবেদন ফি অফেরতযোগ্য। হেল্প লাইন নম্বর : ০১৯৩৩৩২২৫৩০, ০১৯৩৩৩২২৫৩২, ০১৯৩৩৩২২৫৩৩, ০১৯৬৭৬০৭৭৭৭ (সকাল ৮:৩০ টা হতে বিকাল ৪:৩০ টা পর্যন্ত)।

৩। **ভর্তির আবেদনের ন্যূনতম যোগ্যতা:** বিজ্ঞান বিভাগ-বাংলা মাধ্যম ও ইংরেজি ভার্সন (উচ্চতর গণিতসহ) GPA-5.00, মানবিক বিভাগ GPA-3.00 এবং ব্যবসায় শিক্ষা বিভাগ GPA- 4.00। এস.এস.সি-তে বাংলা মাধ্যমের শিক্ষার্থীরা ইংরেজি ভার্সনের জন্য আবেদন করতে পারবে না।

৪। **বিভাগ পরিবর্তনের ক্ষেত্রে:** বিজ্ঞান বিভাগ থেকে ব্যবসায় শিক্ষা বিভাগে GPA-4.50, বিজ্ঞান ও ব্যবসায় শিক্ষা বিভাগ থেকে মানবিক বিভাগে GPA-3.50।

৫। **আসন সংখ্যা:** বিজ্ঞান বিভাগ-বাংলা মাধ্যম-১৮০০, ইংরেজি ভার্সন-৩০০, মানবিক বিভাগ-৪১০ এবং ব্যবসায় শিক্ষা বিভাগ-৭৬০।

৬। **ভর্তি পরীক্ষা ও ভর্তির চূড়ান্ত মনোনয়ন:** আবেদনকারী সকল প্রার্থীকে ভর্তির লিখিত পরীক্ষায় অংশগ্রহণ করতে হবে। ভর্তির লিখিত পরীক্ষার তারিখ ও সময় স্বয়ংক্রিয়ভাবে ভর্তি পরীক্ষার প্রবেশপত্রে পাওয়া যাবে। এস.এস.সি.-তে প্রাপ্ত জিপিএ ও কলেজে লিখিত পরীক্ষার ফলাফলের ভিত্তিতে আসন সংখ্যার দেড়গুণ প্রার্থীকে মৌখিক পরীক্ষার জন্য নির্বাচিত করা হবে। এস.এস.সি.-তে প্রাপ্ত জিপিএ, ভর্তির লিখিত পরীক্ষা ও মৌখিক পরীক্ষার ফলাফলের ভিত্তিতে মেধাক্রমানুসারে চূড়ান্তভাবে ভর্তির জন্য মনোনীত করা হবে। পরীক্ষাসংক্রান্ত বিস্তারিত নির্দেশনা কলেজ ওয়েবসাইটে (ndc.edu.bd) দেয়া হবে।

৭। **ভর্তি পরীক্ষার বিষয়সমূহ:** এস.এস.সি.-র সংক্ষিপ্ত সিলেবাস অনুযায়ী পরীক্ষা অনুষ্ঠিত হবে। যারা বিজ্ঞান শাখা থেকে মানবিক ও ব্যবসায় শিক্ষা শাখায় ভর্তির আবেদন করেছে তাদেরকে বিজ্ঞান শাখার প্রশ্নে এবং যারা ব্যবসায় শিক্ষা শাখা থেকে মানবিক শাখায় ভর্তির আবেদন করেছে তাদেরকে ব্যবসায় শিক্ষা শাখার প্রশ্নে পরীক্ষা দিতে হবে।

- বিজ্ঞান বিভাগে পরীক্ষার বিষয়: বাংলা, ইংরেজি, আইসিটি, উচ্চতর গণিত, পদার্থবিজ্ঞান, রসায়ন, জীববিজ্ঞান।
- মানবিক বিভাগে পরীক্ষার বিষয়: বাংলা, ইংরেজি, আইসিটি, সাধারণ জ্ঞান।
- ব্যবসায় শিক্ষা বিভাগে পরীক্ষার বিষয়: বাংলা, ইংরেজি, আইসিটি, হিসাববিজ্ঞান ও সাধারণ জ্ঞান।


৮। **পরীক্ষাসংক্রান্ত তথ্য:** পরীক্ষা সংক্রান্ত বিস্তারিত তথ্য ভর্তি পরীক্ষার প্রবেশপত্রে পাওয়া যাবে।

৯। **ভুল/অসত্য তথ্য প্রদান করে ভর্তি হলে ভর্তি বাতিল বলে গণ্য হবে এবং ভর্তির টাকা ফেরত দেয়া হবে না।**

১০। যারা উপর্যুক্ত ভর্তি প্রক্রিয়ায় অংশগ্রহণ করতে আগ্রহী শুধু তাদেরই ভর্তির জন্য আবেদন করতে বলা হচ্ছে।

বি.দ্র.: যে সকল ছাত্র কলেজ কর্তৃক নির্ধারিত 'ইউনিফর্ম' পরিধান ও নিয়মিত ক্লাস করতে চায় না এবং যারা ধূমপান করে তাদের আবেদন করার প্রয়োজন নেই। **ভর্তি পরীক্ষার জন্য কোচিং-এর প্রয়োজন নেই।**

ভর্তির সামগ্রিক প্রক্রিয়ায় সবাইকে স্বাস্থ্যবিধি মেনে অবশ্যই মাস্ক পরিধান করে অংশগ্রহণ করতে হবে।


অধ্যক্ষ